

五柳先生傳

m[^] liu[^] sien^ˇ sen^ˇ ton

作者：陶淵明

年代：東晉

散文

先生不知何許人也，亦

不詳其姓字，宅邊有五柳

樹，因以為號焉。

閑靜少言，不慕榮利。

好讀書，不求甚解；每有

會意，便欣然忘食。

性嗜酒，家貧不能常得；

親舊知其如此，或置酒而

招之，造飲輒盡，期在必

醉；既醉而退，曾不吝情

去留。環堵蕭然，不蔽風

日；短褐穿結，簞瓢屢空，

晏如也。常著文章自娛，

頗示己志。忘懷得失，以

此自終。